

豈徒三月食無鹽

黔無鹽仰給於蜀蜀鹽不一產要皆出於井順慶之井久堙塗堦之井有

禁所轉致者惟戎州耳故價昂而民甘食淡蒟花如流藤葉如華撥子如桑樵其味辛香近於桄榔之麪黔人瀝其油醢為醬故曰蒟醬

潤炎相尅不相生火兆何緣應水鳴國僑莫言天道遠

虔將牲醴祝南明

黔俗編竹覆茅以為居室厯來多火患而城市尤甚當其將火水先鳴水

在城南日南明河牛吼鼓擊聲聞數十里鳴三日必火其應也若操符券焉

契女蠻童聚作堆年年跳月趁春回蘆笙一曲諧佳耦

免卻風詩賦標梅

苗俗每歲孟春合男女於埜謂之跳月預擇平壤為月場及期男女皆更

服飾粧男編竹為蘆笙吹之而前女振鈴繼於後以爲節並肩舞蹈迴翔婉轉終日不倦暮則攜所私歸